

大清光緒十三年

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報加寄費可也除日報照常刊送外復不惜工本從英國採辦新式書報各機器以待與各官商刊印書籍單件並有英國各體活字及各式花邊等延有西人操印工藝甚精所有中西文字均能刊印並有石板印字大小機器均用精工刊

第一千八百二十六號

# 申報

本館開辦在英大馬路門牌五十五號

印工總絕倫前延有文士各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸君來札尙祈自諒更須寫實里而後敢登但來稿登與不登均不能將原稿收回也 本館謹白

丁十一月初二日

凡閱報者每月報價一元每日售錢五文(大英一千八百八十七年十二月十六號禮拜五)凡刊印告白第一日每一字一仙第二日以下每字半仙

精緻華英月份牌出售 ○敬啟者戊子歲之月份牌現經印就即在本館發售不日書畫之工絕墨之美而且較對無誤刻印玲瓏蓋是歲本館再為加工精心構撰故款式甚多無論白紙蠟紙色紙與夫描金繪色無不備有以憑 諸君選擇且價甚相宜 諸君光顧者請早 惠臨選購為盼 本館謹啟

新印電報冊出售 ○敬啟者茲本館新有印出電報冊概用上等西紙以英字排列而成冊內各篇其字形號數均有不同最便商場之用若自行定印則工價甚昂茲本館因自用之故增印若干本以售於人是以取價甚廉 諸君有欲購買者請即 移玉惠臨因所存不多遲則恐有不及也 本館告白

## 多設異途以勵人材說

或問近日所以材少之故曰誤於鴉片更問其次曰誤於時文或問余言色然駭曰時文何可與鴉片比則告之曰子勿怪也夫鴉片一物產自印度然以為膏能使吸之者弛筋解脈廢時失事自明代流入中土迄於今三四百年文士雅流往往嗜此洪經略承疇嘗言天生種類不害其國必害他國非人力之所能絕此誠中國人材消長之機也然而物也物能縛庸人俗人不能縛真材人往年直省學臣有嚴申功令禁止應試生童吸食者要之萃千百讀書種子逐加考驗其中吸烟者不滿一二三況乎士果有志幡然振作則今日雖吸明日可戒安見竟不能擺脫獨時文取士雖有心知其失而無敢昌言之者即能昌言其失而草茅寒酸更無能舍是途以進身者士子舍是途無以進身於世五經甫畢便舉平居枕肱之功研鑽之力一切用之於時文理頭數年微俸一戰小試售矣則有鄉試鄉試售矣又有會試必俟會試入役而後得為出身階級層累已足耗糜學人之精力況又有終身不得售者或利小試而不利鄉試或利鄉試而仍不中會試席帽不離罡風屢遇光陰荏苒而其人老矣不能復為世用矣如此者莫非時文誤之然使其人本無才與雖有才而不適於用猶皆不足惜也所可惜者莫如以才流沉淪場屋具胸中未始無守常濟變之略其目難及至蹉跎半生桑榆望切每有勸改故業而心不屑者亦有欲改故業而力不從者窮老盡氣抑屈沒世故昔人謂時文為禁錮才人之具良非虛語為今之計其將變而革之乎曰此法自明祖創格以來垂六百年我朝率由舊章士子耳濡目染入人之深非朝伊夕一旦驟欲易其趨向奚啻南轅而北轍若起乎未易諱變也勢未易變而又不得不變則莫若姑存此時文一法而別開數途以為取士之經所謂開數途者奈何曰行舉言揚今日已斷斷乎不能復矣而賢良鴻博諸科似亦非今日之所急宜乎今日者曰天文曰地理曰算術曰格致曰製造曰洋務總言之曰實學此外經學史學果便有裨於實用亦當並存而不廢至於時文則藉以歌頌昇平粉飾鴻業如向來宗科考之先取詩賦但備一格而技藝者之去取應試者之得失不係乎此如是則士人趨向自然重實學而戒浮夸日移月易去偽存真人材不必勵而無不勵矣或曰子亦向此中討生活者何其嫉時文之甚也曰否否凡人身居門外則不能深知里中事惟會向時文中討生活者故知時文之實在無用且用志不紛乃凝於神天地奧蹟諸學專其一即精其一時文不然今課一小題下課一大題下課以一搭截題具大力者不必具小心解挑剔者不必辭發揮門多法密專精愈難人果以習時文之功改習他業既無方圓鑿柄之嫌並有事半功倍之效此亦非過來人不能知而不能道者也 諭旨恭錄 ○十月初四日軍機大臣奉 諭旨本月初九初十日均着推班欽此○初五日奉 旨國子監博士員缺著劉東美補授湖北廣濟縣知縣員缺着彭廣心補授山東東阿縣知縣員缺着胡建樞補授河南確山縣知縣員缺着施廷弼補授貴州永從縣知縣員缺着岳廷楷補授奉天府經歷員缺着楊敬修補授柳恩培着以知縣用余躍龍着以知縣用翰林院筆帖式員缺着英祉補授李廣樟着准其補授陳邦瑞着照例用徐紹垣着以運判儘先即補郝炳綸着以知縣儘先即補沈守康着以道員選用惠年着照例用欽此○初六日奉 上諭剛毅奏待參庸劣不職各員等語山西巡安府同知錫沅年力衰邁精神委頓着勒令休致汾西縣知縣門精榮辦事乖方行止荒謬着即行革職寧鄉縣知縣王啟綸性情迂緩難膺民社惟文理尚優着以教職歸部選用以肅官方餘着照所議辦理該部知道欽此

交應務祇領餉銀懸掛以答 神庥至所請飭加 城隍神封號之處着禮部議奏欽此

保護婦女 ○大英國特使新嘉坡等州府華民政務司為 曉諭事照得保護婦女新律現已批准舉行嗣後凡有婦人女子欲往別埠者不論新舊麻六甲新山日裡英屬吉隆等處地方均須於輪船開行二十四點鐘以前到署稟知方准前往否則惟担保人是問照律嚴辦以杜弊端切切此諭汝其稟遵毋違

購辦軍火 ○德國近來所製新式火藥最宜於行間所用中國現已仿行製造惟現在仿製方新不敷水陸各營之用已文寄德國託製新款洋藥三千担運回中國以便戎行可見中國講武之殷實不遺餘力矣

遊行折足 ○德國近來郵簡有云中國駐德參贊官某君於西十月間一日徒步出行路遇火車不及為之趨避以致其足為車所傷頗就危殆幸遇德國良醫調治乃將其足鋸斷另換木足以代行步現在業經就愈須俟所用木足稍為純熟可以行動自如即可回國理事矣无妄之災其是之謂歟

人面獸行 ○男女居室人之大倫聖人不以為非降及後世邪風日行遂有勾欄曲巷之遊然猶不失男女交歡之道乃不意世有其人竟合正路而就歧途卒至謀敗計窮出乖露醜致貽千人笑罵者乃如之人洵可謂人中之禽獸矣麻六甲有某甲者諱其姓名但舉其神號曰八個月其號之怪也如是亦可想見其為人矣甲固頗饒於資生理亦殊不薄固雖然附於聲望衣冠之列但其素性則與人殊有斷袖風塵遇粉白黛綠當前而甲實視如嚼蠟惟每遇南風不競則無不色舞神飛近設一間館招引無賴少年終日營營所作者皆不可告人之事時有某客年華甚雅而風姿綽約有張子房貌如處女之風甲一見而悅之以為再世彌瑕不是過也由是留心勾致聞客欲託一枝之寄因以重聘厚為延至待為上客而該客方以甲為知己正深感激遇事盡心為其經理甲以客報已之切自念此必可圖乃於深夜間之客拒且怒翌日即為辭去遂改業為水客常由甲往來於芙蓉等處未幾甲亦携資往芙蓉辦貨適遇客於某肆之中甲一見即魂斷神馳幾不自禁胸懷頓觸而謝過故亦置前恥於不問怡悅色與甲周旋甲亦以為客當感其癡情必不致若前番之魯莽然須以利動之或能如願乃吸嚙出七百元交客因曰此物煩君代為存貯倘君能如僕所願則僕亦未嘗不能如君所願也客不解其意因唯唯取甲銀而藏之甲益喜以為客果為利所動遂語客曰僕見店內諸人甚雜意欲借君之室下榻稍避煩囂未悉君能俯就否客以為此亦人情常事何所不可因諾之甲遂讓被至客室中因下榻焉入夜甲故沽酒市脯與客在室內共酌將欲乘其醉而圖之也詎客酒量甚洪甲竭力相勸僅得微醺未幾飲畢客因倦甚先登榻而眠甲以客睡味方濃不啻碧桃紅藥乃坐於床前陰為擺弄詎客固未醉見甲情形知其慾心未斷怒甚即飛足踢之甲遂傾於床下客復起執之痛毆於時喧聲大震店中諸人齊起至客所問故客具告之眾聞言且笑且嘲且怒且罵客頓露其醜態實無面目見人遂乘夜遁去而客固胸懷坦直以甲寄頓之七百元為無義之財不屑取之即於翌晨取而償甲甲於是聲名揚播恐貽笑於市人遂不敢辦貨登即挈資旋甲云噫若甲也者洵屬有玷冠裳試令其清夜自思得無愧殺否

頑童可惡 ○讀易而至山水蒙乃知童蒙之不可不養正也明矣蓋以入聖難入狂易聖狂之界繫於齒齡倘不先正其始將來一發難收遂於聖賢中少一佳子弟即為宇宙內增一下流人誰為父兄而竟令其子弟日習於匪僻之流哉如本坡有所謂山頂公司者其中儘屬冲齡頑惡性成弊端百出間聞離化外難馴推其故孰非父兄之教不先斯子弟之率循不離乎撫此頑童曷勝痛恨哉廿八日武吉巴梭有謝某者其僅持有汚服一包赴於某店辭讓出於門適有頑童一班當道嬉戲見謝僅手持錢鏰遂起貪涎欲喚其賂以圖驅去謝僅知其術不肯赴博該頑童竟相率以毆謝僅避之弗及奮足奔逃不料頑童奮顧難償餘忿未消乃暗伺道傍猶欲交擊迨謝僅携有潔服賦歸狹路相逢復相毆擊僅奔歸謝覺潔服復汚詢其類末僅備告之謝怒出門以察猶見頑童當道咻咻不已謝故擊之該童懼如鳥獸四散惟於迷時則謂拜賜之師行當在即迨至日暮謝於夕後散步閒遊詎出門前不過數十式外竟被頑童率其黨眾各持木棒或挾鐵尺尾後亂擊以雪前仇謝於昏暗中不及細察竟受荼毒旋見該黨眾多恍若虎在平原一般故急避兇鋒遽入該處酒店以圖躲避而該頑童追至門前猶未散去時適有某西人在酒店方浮大白以此頑童刀風斷不可長故欲追而擊之諸頑童始行逸去而事遂寢云

孽孽作盜 ○潮人某甲性浮蕩嗜好賭不事生人產業惟日與無賴遊不知所返嗣以生活無計因作航海汗漫之遊遂附航至叻第以初到叻境人地生疎乃依其戚陳乙之家陳乙者粵籍人忠厚長者也以甲作已為居停之主實以其天涯作客恐為淪落他方遂勉為東道雖明知其平日行為不掛通人齒頰然冀其改過自新庶不至失我栽培之德以乖戚屬之情然甲亦以指天誓日力改前非謂挫折如斯尚敢甘為暴戾耶孰知甲自寄寓以來向未露其惡跡而究之惡念常萌未能改悔於廿七日伺陳外出即破其篋竊去衣物及金戒指一枚並英銀廿四元飄然還逸嗣陳歸寓見其篋篋破爛細察情形始知被甲所盜欲為報案嗣以孽孽之情不容斷絕姑為隱忍以全面目焉若陳乙者亦可謂有患厚長者之風矣



○廿九日

戲籍被執

壹塊銀金

敬行赴京

事務奉公守

## 剿辦土匪

一曰也

未幾詩取

慈母憂父

歷百卉叢中

1


**印度大藥房告白**

○啟者本藥房自去年開張以來多蒙坡中諸君賜顧故現在親自向歐洲督辦頂上真料各種藥材不時預便  
甚相宜無論男女老幼病症輕重如要醫治請到館示知便即登門看症分別發藥手到回春每日開門自晨早七點鐘至晚十點鐘為  
諸君有就教者請移玉至小坡大馬路實得力馬房對面第七十五號門牌詢問便得此佈 聞

大英一千八百八十七年八月十八號

西醫藥實葛謹啟

**活侯亞士堅公司告白**



啟者本公司向來開股本坡久為中西商翁所賞識茲承英京末汝公司之命託本公司代為駐叻代  
售機器之人本公司既受所託不得不代為力肩鉅任將該公司辦事之誠製造之美以及貨物之多並舉以  
告海內 諸商翁知悉該公司向來開辦英京歷久無異素為英國人所賞識不特為英國人所賞識又為  
鄰國人所賞識不特為鄰國人所賞識且為天下各國人所賞識蓋因該公司立心持平交遊盡善物料既美  
製作復精所以能遐邇馳名於本國鄰國及天下各國者皆為此也現計該公司所製造之機器甚多筆墨難以  
盡述更僕不可備數非親至該公司目擊斷不能備詳所見茲不過略舉其大概言之亦存什一於千百中之  
意耳至該公司現經運到本公司存貯代售其中件件堆積如山即不可枚舉茲因篇幅太狹不能盡錄以備  
諸翁翁青覽擇其要而通行者略登報端以為 諸君採擇焉如木厚木筒皮帶等其價較別家稍為相宜  
貨而亦視別家為特妙請 諸君移玉到本公司一觀真有所聞未盡所見之微不啻遊山陰中道令人接應  
不暇矣至於本公司又有製造做大醫之機器以及水厚等各機器亦是名目太多不能備列謹此奉告向祈  
實然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴雙  
河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷

大英一千八百八十七年十一月九號

活侯亞士堅公司謹啟

**上等呂宋烟出售**

○啟者本行由小呂宋督辦上庄葉呂宋烟發售其貨均屬上等並無低貨提雜且價甚相宜其中每箱有廿五  
枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨  
諸尊賜顧請至土庫花園邊美爾堅洋行之後面與密加釐士打索路店隔鄰本行相酌是荷

大英一千八百八十七年十二月七號

俄士連洋行謹啟

**RIGAND'S KANAGA WATER.**

列頭干那芽花露水 ○此水係以干那芽花  
所製其花出自日本國中香冠凡卉乃列頭君  
在日本探辦載回法京製成此水以故其香甚  
清而其用亦甚善如皮膚有皺裂等病抹此香  
水固能愈痊尤可解蚊口之毒若以之香水和  
水盥洗固能令人肌膚嫩滑顏色光潤且瘡癤  
不生本藥房製成此種花露水銷流已久遐邇  
傳揚不料近有德商仿照本藥房所造此水以  
圖射利且其氣味遠遜迥隔霄壤 諸尊有購  
買此水者請看以下所列第一款之西字標頭  
本藥房所用製載此水之樽係有浮凸字樣如  
下所列第二款式且有西字註明列頭公司字  
樣如標各均有細書號據始為真貨否則係為  
混冒向祈慎購至於各式人等有假冒本藥房  
花露水或由外處運來或在本坡發售一經本  
藥房查出定必嚴行控究至本藥房之花露水  
係託新嘉坡藥房麥加君代售並未開枝別處  
併此聲明此佈

"KANAGA DEPOSE"

4430.

**MORRHUOL.**

模好呂解毒葆元藥丸  
○此丸端治虛損吐  
血花柳傳毒咳嗽哮喘  
目痛重舌等症其效如  
神且不惟解毒重且能  
調和營衛葆養精神現  
在法英美等國醫士所  
用花柳敗毒之藥均用  
此丸無不藥到病除立  
見春回若服此丸須仿  
照服魚肝油之法要緩  
緩吞下必於用飯時吞  
服一二粒切勿誤為急  
吞以背服法此丸係以  
樽裝載每樽計一百粒  
現託新嘉坡藥房麥加  
君處代售此佈

大英十一月八號

**SANTAL MIDY,**

**DR. MIDY'S SANDAL OIL CAPSULES.**

檀香油藥粒 ○此藥  
係製成油質以薄皮一  
重裹作粒形以便易吞  
而其藥力能治花柳  
淫毒口濁白帶癰閉一  
切等症如症雖甚痛服  
之立止而服藥後約歷  
二三日即見功效但所  
患過重者須每日吞服  
六次每次吞服二粒至  
痊愈後亦宜再服十日  
庶得清源後患永絕根  
株惟服此藥時宜戒色  
慾忌食辛辣勞動等事  
幸勿自誤致誤藥力之  
不神也現此藥託交新  
嘉坡藥房麥加君處代  
售此佈

**FRUIT JULIEN.**


浮律如里馬藥糖 ○此  
藥糖係採鮮果之汁加以  
藥料和製成塊略如糖粒  
氣味甚佳而其功效較於  
瀉油為甚無論男女婦老幼  
均能服食且其味有如糖  
菓最為適口尤為小兒所  
愛其藥力均可治胆汁太  
多重舌頭痛鬱結大便不  
通斑疹血熱血毒以及皮  
膚發癢等症服之亦可涼  
血行滯且能令臟腑潔淨  
痼疾立除但服之法宜於  
臨睡時嚼服一二粒至翌  
早飲茶一杯須臾即覺大  
便通利身體爽快現此藥  
託交新嘉坡大藥房麥加  
君處寄售此佈



啟者本公司製造鐵開在新嘉坡南落亞逸尾地方交易多年專造一切靈巧機器火鋸火鋸設大舊拉之器具及大小輪船汽機鍋爐並各種新式鋼鐵器皿一應俱全無不堅固耐久竊便合用諸六甲地方本公司開設有分廠並

機

爐




代中西士商修整各種損壞機器工價格外公道如有貴客賜顧者請至本廠面議特此佈聞 西一千八百八十一年十二月廿六號 賴來安公司啟

美國峇打妙厘號新欸時鏢出售

敬啟者本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度果黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且殊堅固最堪耐久即便年湮代遠亦無廢壞之虞三利也至其鏢製甚精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能修理者而此表則不過僅六角之資即能修復甚且無須六角蓋其機器係為新創其製造之法甚且請易於拆修故也此表在美國係用機器製造計每日可成表二千枚故其料精美價廉誠非他家可及而峇打妙厘製有表鍊以多各欸俱備且其欸最新其工最巧較諸近來行用者又勝一籌矧其價復甚廉每鍊價僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相問如該貨未備則請至本行面商本行坐落土庫後街開豐銀行之鄰 諸君惠臨移玉至本坡則惟本行代理並無別家並此佈聞 諸惟惠鑒 大英一千八百八十七年六月十五號 大清光緒十三年閏四月二十四日 莫實得洋行謹啟

蜜酒出



啟者茲本行由歐洲辦到上等密酒來叻發售其酒甚佳茲將標頭印出諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶 泗里末 望加錫 檳榔嶼 日神等處其他各埠均能運往並此佈聞 西一千八百八十六年十一月十日 明嗎也洋行謹啟



中外眾國有限保險公司

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在叻係本行代理承保各商貨物銀項運送輪船來往各埠其保費相用照例所有花紅之銀俟結賬之後按數分派前一千八百七十八年一千八百八十年每股得利息銀計五八仙又一千八百八十年至一千八百八十二年每股得利息銀計一八仙諸貴商賜顧者請至本行開相商可也 大清光緒九年 月 日 英一千八百八十三年八月廿七號 毛實德公司謹啟

新到各書

啟者現本館新由上海各石印各書百餘種茲以廉價發售諸君欲購者請至本館選購是荷至其書目太繁不能殫述諸君如欲購者可也 莫實得洋行謹啟



**憲示**

大英國欽命新嘉坡等處輔政使司 為招人承辦白灰石花磚瓦等物事照得斯役以一年為滿自一千八百八十八年正月一號起至一千八百八十八年十二月三十一號止凡人有欲承辦者可於英本月十九號之前赴本署領取投標格式按格填寫用封套封固書明承辦某物件等字樣遞交本署以憑選擇所有承辦之物及 王家所擬價值格內開載明白投標承辦之人須於該價上酌量加減成數至若投遞票格之時 王家命其備銀作按每投一票須先交大銀一百元候至開票之日 王家如准其承辦者該銀留至立約簽押之後方始交還倘若不准其承辦則當堂物歸原主所投之票准與不准皆由 王家主裁投標人不得援價低者得之例以圖爭執先此聲明以免後論 大英一千八百八十七年十二月十三號 大清光緒十三年丁亥十月廿九日

**線**

啟者本行專辦英國贊拿士布碌機房各色上等棉線轆發客此線轆與線球不同線身光滑於縫衣脚車手車落為合用每個足長一百碼價甚相宜曾經呈請英國考驗幸蒙贊賞并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君用始知余語之非虛 貴客光顧請認羊頭號標牌為記



大英一千八百八十七年十一月三十號 香港希士洋行 新嘉坡代人明馬也公司謹啟

**售**

庶免有誤 大英一千八百八十七年十一月三十號 香港希士洋行 新嘉坡代人明馬也公司謹啟



No. 1234. 英國新出頂「花露水」出售 ○啟者本公司所製之花露水及高浪水最為佳製其香之清而且久非尋常可及素已馳譽歐洲用此水者莫不噴噴稱為妙品歷經荷領寶星七次以獎其佳然則其妙處可知茲欲廣為通流故特佈告倘 諸君有欲採辦者祈請函致本公司取討價單便知一切特此佈 聞 大英一千八百八十七年四月二十五號 加刺安巴馬厘公司謹啟

**西國首飾雜貨出售** ○啟者本雜貨公司原設於麻六甲街第廿七號門牌現遷至土庫花園邊四十三號門牌與大藥房為隣專辦歐洲各上等首飾雜貨來叻發售所有戒指相盒領扣鈕等項甚多所有貴重合用之物無不齊備不能備錄以此各貨均屬寶貴之品計值約五萬元并有金銀及銀鍍金時表各式共約一千多個無不應時報刻累黍無差各物皆由歐洲名工所製美善異常現新到叻中存於本店倘諸君有託往歐洲採辦物件亦無不可且價甚相宜貨能速到沿途照料亦甚子細可無破損之虞現在此貨不過略舉些小以 其款俾倘諸君觀之可以指名代辦非但藉此營生以圖厚利己也 諸君有欲購者請即 玉臨選閱是荷 大英一千八百八十七年十一月八號 鵝鄉謹啟

**本館告白** ○敬啟者本館自開設以來辱承各外埠 諸君子不棄時有所投或一紙書傳奇異來告或半寸緘至籍分囑固屬信到之日則照索寄費雙倍以故本館於此二項賠墊日多故不能不據情佈聞敢求茲後凡有惠寄本館之信務祈買單貼發自此以後印貼之信則本館一概不收不希勿以方命見責是幸預為佈告即請 文安不宣 本館告白

**贈送陰疫藥散** ○近來叻州陰疫盛行患此症者吐下瀉或瀉而不吐腹或微痛或不痛初起不過四肢疲倦未幾即遍身發冷自汗淋漓面青其脈或微弱或沉遲甚則轉筋吐沫患此者最危最急偶失醫治不過時許遂即殞命良足悼也今叻地患此症而死者甚繁有徒余惻然憫之乃詳究氣運之陰陽察合病情之表裏嚴搜藥物虔製君臣用治陰疫凡服者無不獲痊故特製此贈送於人非敢邀天之功而延己之譽也實不忍若生罹斯浩劫故為是舉以冀挽回於萬一耳但余一人之力所製無多倘好善 諸君欲拯蒼生者不妨來問此方庶為製造是亦無量之功德倘 諸君有患此者可到本館賬房內領取此散不受分文但須與上所列之症有合而後可服勿亂投也 大清光緒十三年丁亥八月初一日 叻報館內葉季允謹識



風流堪繼李青蓮

笑春張汝梅拜稿

橫城聚首竟成文字之因緣書讀談心遂以詩章而惠贈信是詩言其志杜少陵別有風懷乃知情見乎詞王仲宣中多感慨約率隨之餘愛即如 命步還微祈 笑春先生情正 ○天涯萍聚訂交蒙惠珍珠茗兩包游目聚園同賞鑑得心詩草讀推感風塵作客情難旅邸論文事懶教高里平安歸路遠送君心掛錦帆梢 曾經滄海便神仙活潑游觀智倍圓破浪允符龍躍躍乘風還舞鶴鳴城偶會緣前定幾期相思別後幸歡喜與驚鴻泛遠迢迢如太乙乘蓮

步 張笑春先生贈百花香客原韻即呈 斧正 ○相逢萍水便論交談到深時味曲包詩合唐音人共賞素精蘊秘子頻敲海濱聚首原非偶風月多情獨莫教聞道歸帆將飽掛我心先已逐蓮梢 飄飄得句欲如仙跡聚玲瓏箇箇我本勞人真草草君如公子竟飄飄天

三郭郭元拜和

京報選錄 ○安徽巡撫臣陳彝奏為查明鳳淮等倉添銷案內未完一分以各員職名備案繕具清單恭摺仰祈 聖鑒事竊據江安糧道馬恩培詳稱案奉戶部咨行條陳籌餉案內奏定所有錢糧奏銷各依定限令各該督撫一面具題一面先將未完一分以上各員名開具簡明清單專摺奏報由部核定處分先行覆奏其有奏後續完者准其奏請歸本案開復此外鹽課漕項凡經手錢糧各報銷有關處分者一律照此辦理等因又奉戶部咨嗣後奏報未完職名務須開單駐明各該員已未完分數及實徵已未完各項數以憑考核等因先後通行遵辦在案今催查造光緒十二年分鳳陽淮安二倉及江甯倉撫米 奏銷理合遵章將經徵接徵未完一分以上各員先開簡明清單並駐明已未完分數銀數詳請具奏前來臣覆核無異除將此案奏銷核明具 題外謹繕清單恭呈 御覽理合會同兩江總督臣曾國荃清運總督臣盧士杰江蘇巡撫臣崧駿恭摺具陳伏乞 皇太后 皇上聖鑒 飭部查核施行謹 奏奉 硃批戶部議奏單併發欽此 ○奴才穆圖善慶裕跪 奏為奉天換練兵丹撤補足額入伍操演已有規模可勒恭摺仰祈 聖鑒事竊盛字營練軍於本年六月初一日一年期滿應遵原議更番換練撤半開農補半入伍所有更換事宜前經奴才等會奏在案旋據兵司呈報兵丹全數調齊奴才等會同挑選身體偉壯年力富強者計挑一千七百三十五名制兵五百名共挑二千二百三十五名足符撤補之額內除教習由京調營戈什哈共五十名仍占原額不換外即以西丹換西丹制兵換制兵飭由總統幫統轉交兩翼統領令其入伍操演其應撤回兵丁共二千二百三十五名已飭兩翼統領分兩造呈清單分咨備案其應給津貼亦即按月按名發給俾作養贍之資並飭司傳知各旗佐所撤兵丁不准他出謀生以其兵力之厚與奴才等現於七月二十六日會閱各營兵丹新舊合操聲勢向屬聯絡步伐亦有規模奴才穆圖善復逐日親閱打靶校量準頭命中亦有四五成之譜當即嚴飭該將領等將此認真督操精益求精自能成為勁旅現在奉天換練事宜辦理具已就緒奴才穆圖善即擇於八月十三日前赴吉林校閱隊伍吉林換練情形前經吉林將軍咨商奏明緩至秋後應如何舉辦之處屆時再會同吉林將軍希元妥商具奏至奴才穆圖善起身之後奉省諱營如有緊要事件應由奴才慶裕隨時酌辦所有會閱奉天撤補兵丹入伍演練情形並奴才穆圖善起程日期理合繕摺會陳伏乞 皇太后 皇上聖鑒 再此摺奴才穆圖善主稿合併陳明謹 奏奉 硃批知道了欽此 ○署理福州將軍兼管閩海關稅務奴才古尼音市跪 奏為閩省洋藥稅釐關併數將第一百六結期內福夏滬打四口開辦之日起遵照新章徵過銀數繕具清單恭摺仰祈 聖鑒事竊奴才迭奉總理各國事務衙門函電及抄摺行知洋藥稅釐關會同稅務司合力稽徵業將開辦日期既經綜核徵數大概情形恭摺具奏在案茲查閩海關福州廈門滬尾打狗四口自光緒十三年正月初九開辦新章起至三月初七日屆滿第一百六結期內徵過稅厘銀兩按照洋稅收支章程分晰正稅釐金兩項銀數隨同結期奏報俾清界劃其自三月初七以後徵收之銀應歸次結核辦仍按三個月奏報一次扣足四結專摺奏銷以符洋稅定案除分咨總理衙門戶部通商大臣查照外合將本結併徵洋藥稅釐銀兩數目查照結期恭摺奏報謹具清單恭呈 御鑒伏乞 皇太后 皇上聖鑒謹 奏奉 硃批該衙門知道單摺發欽此 ○署理福州將軍兼管海關稅務奴才古尼音布跪 奏為閩海關洋稅遵照新章改題為奏謹將第一百六結期內收支數目分晰繕具清單恭摺奏報仰祈 聖鑒事竊奴才查照各海關徵收洋稅案經總理各國事務衙門會同戶部奏定章程改題為奏停用親填等傳行令各關將收支數目按結奏報一次扣足四結專摺奏銷毋庸按照關期題銷以清界限等因所有閩海關福廈二口自第十三結起至第一百五結止按結收支洋稅各數目均經遵照新章分別奏報在案茲查光緒十二年十二月初八日起至十三年三月初七日屆滿第一百六結期滿福廈二口收支洋稅各款銀兩仍應循案按結 奏報其循照向章支銷經費各項容俟扣足四結時造冊奏銷以符定案除將結收支數目循案分咨查照外理合恭摺奏報並繕具清單恭呈 御覽伏乞 皇太后 皇上聖鑒謹 奏奉 硃批該衙門知道單併發欽此 ○潘蔚片 再前准部咨奏定章程道府州縣無論何項勞績保歸候補人員應以到省之日起扣限一年期滿詳加賦看出具考語奏明分別繁簡補用等因歷經遵辦在案茲查有候補知縣汪應麟蒙已試看一年期滿應行照章甄別據藩司李元度署臬司黃元善造冊會詳核奏前來臣查該員汪應麟年強才練堪以留省補用除冊分送部科外謹會同雪貴總督臣岑毓英合詞附片陳明伏乞 聖鑒謹 奏奉 硃批吏部知道欽此